



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e-mail: info@voda.ba

Broj: UP-1/21-3-40-291-25/23
Datum: 08.05.2024. godine

„Agencija za vodno područje rijeke Save“ Sarajevo rješavajući po zahtjevu pravnog lica „Geomet“ d.o.o. Olovo za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na eksploataciji i preradi mineralne sirovine ceruzita Rudnika „Olovo“ u Olovu, na osnovu člana 139. stav (1) tačka 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Geomet“ d.o.o. Olovo daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na eksploataciji i preradi mineralne sirovine ceruzita Rudnika „Olovo“ u Olovu. Ovo rješenje je doneseno po ponovnom postupku, nakon žalbe iskazane od strane Općinskog pravobranilaštva općine Olovo uvažene od strane Federalnog ministarstva poljoprivrede, vodoprivrede i šumarstva koje je donijelo rješenje broj:UP-II-11-21/2-3-1/24 od 08.02.2024. godine.
2. Ova vodna dozvola se odnosi isključivo za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta na lokaciji kompleksa objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Zeničko-dobojskog kantona, u skladu sa članom 139. stav (2) tačke 1. i 2. Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokalitetu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje voda (separator ulja i masti sa koalescentnim filterom tip BP OLEX 65 M/KF/P, kapaciteta 65 l/s, bio-pročistači, drenažni sistem deponije, obodni površinski kanali oko tijela deponije, tankvana kapaciteta rezervoara zapremine $V=9\text{ m}^3$, laguna za tehnološke otpadne vode, betonski rezervoari, pumpe i pumpni sistemi, slivnici, kanali, rešetke, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet površinskih voda na osam mjernih mjesta zadovoljio granične vrijednosti u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj:26/20, 96/20, 1/24), Uredbe o opasnim i štetnim tvarima u vodama (Sl. novine Federacije BiH broj:43/07) i shodno Uredbi o klasifikaciji voda i obalnog mora Jugoslavije u granicama SR Bosne i Hercegovine (Sl. list SRBIH broj: 19/80).
 - 3.4. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.5. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

- 3.6. Da se isušena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.7. U toku izvođenja radova kao i same eksploatacije iskopani materijal, tj. depoi mineralne sirovine, jalovina i dr. ne smiju se ni privremeno odlagati na česticu «vodno dobro», odnosno u vodotok i na njegove obale.
- 3.8. Da u toku važenja ovog rješenja vrši redovno održavanje deponije jalovine i lagune za tehnološke otpadne vode uključujući i druge objekte infrastrukture.
- 3.9. Nakon okončanja aktivnosti na asfaltiranju prostora koji se nalazi između lagune i pogona separacije, tj. uvezivanja kompletnog radno-manipulativnog prostora u jedinstven sistem, investitor „Geomet“ d.o.o. Olovo je u obavezi da izradi projekat izvedenog stanja-hidro faza Rudnika „Olovo“ u Olovu, sa svim izmjenama i dopunama do mjeseca jula 2024. godine.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav 1. Zakona o vodama se daje sa rokom važenja od pet godina od pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Postupajući po podnesenom zahtjevu pravnog lica „Geomet“ d.o.o. Olovo broj: 1307023-0502 od 13.07.2023. godine koji je zaprimljen na protokolu Agencije dana 17.07.2023. godine a nakon sprovedenog postupka, ovaj organ je dana 14.11.2023. donio Rješenje o vodnoj dozvoli broj: UP-1/21-3-40-291-15/23.

Na ovo Rješenje je izjavljena žalba od strane Općinskog pravobranilaštva općine Olovo. Federalno ministarstvo poljoprivrede, vodoprivrede i šumarstva, svojim rješenjem broj:UP-II-11-21/2-3-1/24 od 08.02.2024. godine uvažilo je žalbu Općinskog pravobranilaštva općine Olovo izjavljenu na rješenje Agencije broj: UP-1/21-3-40-291-15/23 od 14.11.2023. godine, te poništilo navedeno prvostepeno rješenje i predmet vratilo na ponovni postupak.

Postupajući u skladu sa odredbama člana 239. stav (2) Zakona o upravnom postupku, ovaj organ je ponovio postupak, sagledao sve činjenice i okolnosti te donio ovo rješenje o vodnoj dozvoli. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Rješenje o izmjenama podataka, broj:043-0-Reg-21-000197 od 04.03.2021. izdato od strane Općinskog suda u Zenici - ovjerena kopija,
- Uvjerenje o poreznoj registraciji od 18.08.2014. godine izdato od strane Kantonalnog poreznog ureda u Zenici – ovjerena kopija,

- ovjerenje o registraciji/upisu u Jedinstveni registar obveznika indirektnih poreza, broj:04/1-17-1-1-UPJR/1-5388-2/14 od 29.08.2014. godine izdato od strane Uprave za indirektno-neizravno oporezivanje Banja Luka – ovjerena kopija,
- Rješenje o urbanističkoj saglasnosti, broj:UPI/03-23-2-367/19 od 17.09.2020. godine izdato od strane Federalnog ministarstva prostornog uređenja – ovjerena kopija,
- Rješenje o vodnoj dozvoli, broj: UP-I/25-3-40-099-5/21 od 12.05.2021. godine izdato od strane Agencije za vodno područje rijeke Save, Sarajevo – ovjerena kopija,
- Rješenje o vodnoj dozvoli, broj:05-25-07236-2/18 od 10.10.2018. godine izdato od strane Ministarstva za poljoprivredu, šumarstvo i vodoprivredu Zeničko-dobojskog kantona – ovjerena kopija,
- Rješenje o okolinskoj dozvoli, broj:UPI 05/2-02-19-5-105/20 od 07.05.2021. godine izdato od strane Federalnog ministarstva okoliša i turizma - ovjerena kopija,
- Rješenje, broj:UPI 05/2-02-19-5-102-1/20MK od 06.06.2022. godine izdato od strane Federalnog ministarstva okoliša i turizma - ovjerena kopija,
- Rješenje Up/I broj:06-18-654/16 od 06.04.2017. godine izdato od strane Federalnog ministarstva energije, rudarstva i industrije – ovjerena kopija,
- Rješenje Up/I broj:06-14-2-535/20 od 27.05.2021. godine izdato od strane Federalnog ministarstva energije, rudarstva i industrije – ovjerena kopija,
- Ugovor o koncesiji, broj:04-18-15242-1/12 od 20.07.2012. godine potpisan sa Ministarstvom za privredu Zeničko-dobojskog kantona –ovjerena kopija,
- Anex I Ugovora o koncesiji broj:04-18-14213-1/15 od 07.09.2015. godine potpisan sa Ministarstvom za privredu Zeničko-dobojskog kantona – ovjerena kopija,
- Anex II Ugovora o koncesiji broj:04-18-15242-1-2/18 od 21.05.2018. godine potpisan sa Ministarstvom za privredu Zeničko-dobojskog kantona – ovjerena kopija,
- Rješenje, UpI/broj:06-14-1-623/23 od 15.08.2023. godine izdato od strane Federalnog ministarstva energije, rudarstva i industrije – kopija,
- Rješenje, UpI/broj:06-14-1-110/22 od 02.11.2022. godine izdato od strane Federalnog ministarstva energije, rudarstva i industrije – kopija,
- Ugovor potpisan sa JKP „Bioštica“ d.o.o. Olovo, broj:03/1023-1873 od 03.11.2023. godine – kopija,
- Ugovor potpisan sa JKP „Bioštica“ d.o.o. Olovo, broj:0212022-2166 od 03.11.2022. godine – kopija,
- Ugovor potpisan sa „Delta Petrol“ d.o.o. Kakanj, broj:0802022-0340 od 08.02.2022. godine – kopija,
- Rješenje, broj:06-15-1-594/23 od 03.07.2023. godine izdato od strane Federalnog ministarstva energije, rudarstva i industrije – kopija,
- Odluka o imenovanju ovlaštenih lica, broj: 3010023-0789 od 30.10.2023. godine izdata od strane „Geomet“ d.o.o. Olovo,
- Imenovanje lica ispred Općine Olovo, akt broj:01-01-3-221-7/23 od 24.10.2023. godine,
- Očitovanje u skladu sa dopisom broj:UP1/21-3-40-291-3/23 urađeno od strane „Geomet“ d.o.o. Olovo,
- Zahtjev za uključivanje dodatnih mjera u vodnu dozvolu i druge vodne akte pravnog lica „Geomet“ d.o.o. Olovo napravljen od strane Općine Olovo, broj:01-01-3-221-4/23 od 12.07.2023. godine,
- Račun, broj:DVD 2/23 od 04.09.2023. godine izdat od strane Dobrovoljno vatrogasno društvo „Olovo“ – kopija,
- Račun, broj:DVD 1/23 od 03.04.2023. godine izdat od strane Dobrovoljno vatrogasno društvo „Olovo“ – kopija,
- Izvještaji o rezultatima ispitivanja kvantitativnih karakteristika površinskih voda, broj:01-2-86-I/21 od 26.01.2021., broj: 01-2-2-90-VII/20 od 31.07.2020. godine, urađeni od strane „Zagrebinspekt“ d.o.o. Mostar – kopije,
- Izvještaji o rezultatima ispitivanja kvantitativnih karakteristika površinskih voda, broj:01-2-101-III/21 od 22.03.2021., broj:01-2-77-IV/21 od 21.04.2021., broj:01-2-146-V/21 od 27.05.2021., broj:01-2-1-83-VI/21 od 18.06.2021., broj:01-2-40-VII/21 od 13.07.2021., broj:01-2-1-34-VIII/21 od 12.08.2021., broj:01-2-1-25-IX/21 od 13.09.2021., broj:01-2-123-IX/21 od 12.10.2021., broj:01-2-54-XI/21 od 10.11.2021., broj:01-2-1-28-XII/21 od 10.11.2021., broj:01-

- 2-1-1-1/22 od 12.01.2022. godine, urađeni od strane „Zagrebinspekt“ d.o.o. Mostar – ovjerene kopije,
- Izvještaji o rezultatima ispitivanja kvantitativnih karakteristika površinskih voda, broj:01-2-99-II/22 od 11.02.2022., broj:01-2-161-III/22 od 25.03.2022., broj:01-2-108-IV/22 od 22.04.2022., broj:01-2-1-166-V/22 od 27.05.2022., broj:01-2-138-VI/22 od 24.06.2022., broj: 01-2-5-10-VII/22 od 20.07.2022., broj: 01-2-1-101-VIII/22 od 16.08.2022., broj:01-2-1-118-IX/22 od 19.09.2022., broj:01-2-1-41-X/22 od 12.10.2022., broj:01-2-96-XI/22 od 14.11.2022., broj:01-2-86-XII/22 od 12.12.2022., broj:01-2-1-99-I/23 od 27.01.2023. godine, urađeni od strane „Zagrebinspekt“ d.o.o. Mostar – ovjerene kopije,
 - Izvještaji o rezultatima ispitivanja kvantitativnih karakteristika površinskih voda, broj:01-2-62-II/23 od 14.02.2023., broj:01-2-39-III/23 od 09.03.2023., broj:01-2-1-39-III/23 od 09.03.2023., broj:01-2-143-V/23 od 30.05.2023., broj:01-2-1-67-V/23 od 17.05.2023., broj:01-2-140-V/23 od 29.05.2023., broj:01-2-1-42-VI/23 od 09.06.2023., broj:01-2-43-VII/23 od 07.07.2023., urađeni od strane „Zagrebinspekt“ d.o.o. Mostar – kopije,
 - Izjašnjenje na rješenje Federalnog ministarstva poljoprivrede, vodoprivrede i šumarstva urađen od strane „Geomet“ d.o.o. Olovo, broj:2504024-0376 od 24.04.2024. godine,
 - Odustanak od zahtjeva za izdavanje prethodne vodne saglasnosti, broj:2212023-0962 od 22.12.2023. godine - kopija,
 - Rješenje, broj:UP-I-07-21/2/2-4992/23 od 05.04.2024. godine izdato od strane Federalnog ministarstva poljoprivrede, vodoprivrede i šumarstva - kopija,
 - Zapisnik o inspekcijskom nadzoru, broj:18-21-00023/24-07-07-P-07-07-001-P od 13.03.2024. godine sačinjen od strane Kantonalne uprave za inspekcijske poslove - kopija,
 - Rješenje o vodnoj dozvoli, broj:05-25-07236-2/18 od 10.10.2018. godine izdato od strane Ministarstva za poljoprivredu, šumarstvo i vodoprivredu Zeničko-dobojskog kantona – kopija,
 - Zapisnik o inspekcijskom nadzoru, broj:UPI-14-21-2-00026/2023-1407-P-1407-1-P od 08.02.2023. godine sačinjen od strane Federalnog vodnog inspektorata - kopija,
 - Zahtjev, broj:1010023-0762 od 10.10.2023. godine upućen Ministarstvu za poljoprivredu, vodoprivredu i šumarstvo Zeničko-dobojskog kantona – kopija,
 - Dokaz o uplaćenju federalnoj upravnoj pristojbi na zahtjev.
 - Tehnička dokumentacija:
 - Operativni plan za incidentna zagađenja, broj:01-2-32-VI/20 od lipanj 2020. godine urađen od strane „Zagrebinspekt“ d.o.o. Mostar,
 - Elaborat o provedenim hidrogeološkim istraživanjima kao i uslovima zaštite izvorišta „Zeleni vir“ od uticaja eksploatacije Rudnika ceruzita „Olovo“ urađen od strane „Rudarski institut“ d.d. Tuzla, juli 2023. godine,
 - Projekat izvedenog stanja hidrotehnička faza Rudnika olova, privrednog društva „Geomet“ d.o.o. Olovo, urađen od strane „Rudarski institut“ d.d. Tuzla, juli 2023. godine.
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj na lokalitetu i tom prilikom sačinjen Zapisnik o izvršenom uviđaju broj: UP-1/21-3-40-291-13/23 od 09.11.2023. godine.
- Na osnovu dostavljene dokumentacije, izvršenog uviđaja na licu mjesta utvrđeno je sljedeće:
- Pravnom licu „Geomet“ d.o.o. Olovo izdato je rješenje o vodnoj dozvoli za aktivnosti koje mogu imati specifične uticaje na vode pri radovima na eksploataciji i preradi mineralne sirovine ceruzita Rudnika „Olovo“ u Olovu. Rješenje o vodnoj dozvoli, broj: UP-I/25-3-40-099-5/21 od 12.05.2021. godine izdato je pod uslovima tj. da se na terenu sve aktivnosti realizuju u skladu sa dostavljenim Dinamičkim planom izvođenja radova sa preciziranim rokovima njihovog izvršenja na prostoru eksploatacije, prerade mineralne sirovine ceruzita, radno manipulativnim i drugim pratećim površinama i sadržajima Rudnika „Olovo“ u Olovu, broj:1005021-0275 od 10.05.2021. godine. Krajnji rok za realizaciju svih aktivnosti bio je mjesec juli 2023. godine.
 - Rudnik ceruzita nalazi na području općine Olovo, Zeničko-dobojski kanton. Rudnik „Olovo“ prema koncepcijama otvaranja sastoji se iz dva eksploatacijska revira i to revir „Očekalji“ i revir „Prgoševo“. Osnovna djelatnost rudnika je eksploatacija rude ceruzita iz koje se primarno vrši

- separacija sitnih čestica olova. Do danas nije vršena eksploatacija mineralne sirovine na reviru Prgoševo i isti nije predmet ovog rješenja.
- Sastavni dio proizvodnog kompleksa je podzemni i površinski dio. U podzemnom dijelu se vrši eksploatacija rude, a na površinskom dijelu njeno obogaćivanje.
 - Izgrađeni su slijedeći objekti u nizu: kontejneri sa kancelarijskim prostorima i sadržajima, magacin rezervnih dijelova, radionica za održavanje i popravku mehanizacije, skladište rezervnih dijelova, vaga, istakalište goriva sa cisternom i tankvanom, sabirni bazen vode u sistemu recirkulacije (dva spremnika zapremine $V=1 \times 60 \text{ m}^3$ i $V=1 \times 40 \text{ m}^3$), laguna za tehnološke vode, prostor za privremeno odlaganje jalovina iz jame, depoi rovne rude prije oplemenjivanja (3 deponije u zavisnosti od sadržaja rude-nizak, srednji i visok sadržaj rude ceruzita) - ukupno 4 depoa (deponija jalovina iz jame), postrojenje za oplemenjivanje rude - pogon separacije, manipulativno-radni prostor, pristupne ceste i drugi prateći objekti i sadržaji uključujući ugrađeni separator ulja i masti, biološke prečištače.
 - Odvodnja podzemnog dijela rudnika riješena je Glavnim rudarskim projektom urađenim od strane Rudarskog instituta d.d. Tuzla, broj: 30-02-01-202/15 od 21.04.2017. godine. Vode iz jamskih prostora se pumpnim sistemom dovode do lagune tehnoloških voda i ista ulazi u sistem recirkulacije.
 - Ruda sa pratećom jalovinom se na površinu dovozi putem rudarskih kamiona-dampera i odlaže na za to predviđen depo rovne rude do trenutka njenog ponovnog utovara i odvoza do prostora na kojem je instalirano postrojenje za oplemenjivanje (pranje, drobljenje, prosijavanje, mljevenje), tj. tehnološki postupak gravitacione separacije.
 - Nakon oplemenjivanja dobijeni koncentrat se transportuje u halu na lager i dalje isporučuje krajnjem kupcu.
 - Popravka mehanizacije, skladišta rezervnih dijelova i dr. se vrše u zatvorenom natkrivenom prostoru, pod ključem. Svi sadržaji, kompletan krug Rudnika je pokriven nadzornim kamerama.
 - Čiste oborinske vode sa krovova objekata se prikupljaju sistemom odvodnje čiste oborinske vode, koji obuhvaća sistem horizontalnih i vertikalnih oluka, zajedno sa revizionim oknima i PVC cijevima odgovarajućeg promjera. Voda se odvodi u rezervoar, a zatim prepumpava u lagunu tehnološke vode. Voda se iz lagune vraća u recirkulaciju kao tehnološka voda i koristi u postupku obogaćivanja rude ceruzita tj. njene prerade.
 - Izgrađen je sistem za prikupljanje potencijalno zauljenih otpadnih voda sa manipulativnih površina radionice za popravku mehanizacije i prališta mehanizacije koje se prikupljaju putem slivnika i rešetke, te nakon sabirnog okna upuštaju na tretman u separator ulja i masti sa koalescentnim filterom tip BP OLEX 65 M/KF/P (kapaciteta 65 l/s), te nakon revizionog okna prepumpavaju u rezervoar te dalje prepumpavaju u lagunu tehnološke vode.
 - Sanitarno fekalne otpadne vode iz objekata se odvođe u bio-pročištače (dva), na tretman, nakon kojega se pročišćena voda prepumpava i odvodi u rezervoar te dalje prepumpava u lagunu tehnološke vode.
 - U tehnološkom procesu obogaćivanja rude vodom ne koriste se kemijske supstance koje bi mogle narušiti kvalitet površinskih niti podzemnih voda, tj. koristi se isključivo gravitacijski postupak odvajanja rude ceruzita koja se temelji na različitoj specifičnoj težini. Ruda prolazeći kroz niz različitih taložnica se razdvaja na sitnije i krupnije frakcije, sve do dobivanja koncentrata koji se deponira na deponiji koncentrata, odakle se kamionskim transportom šalje do krajnjeg kupca.
 - Uz sam koncentrat, nastaje i muljeviti materijal jalovine koji je zasićen vodom i kontaminiran vrlo sitnim česticama olova. Dobiveni materijal jalovine se trajno deponuje.
 - Deponija je izolirana na kontaktu s tlom nepropusnim brtvenim slojem gline. Nakon sloja gline postavljen je drenažni sistem od perforiranih cijevi. Ovim sistemom prikupljaju se sve vode sa deponije i odvođe se u lagunu za tehnološke otpadne vode. Pored drenažnih cjevovoda postavljeni su i obodni površinski kanali u cilju efikasnijeg prikupljanja atmosferskih voda. Preko drenažnih cijevi postavljen je geotekstil, u cilju zaštite cijevi (da ne dođe do njihovog začepljenja). Deponiranje se vrši u fazama, koje će ovisiti o količinama deponiranog materijala kroz vrijeme. Materijal se nanosi mehanizacijom, te se nanosi u slojevima i zbija pomoću valjka. Visina svake etaže iznosi 10 m, dok širina berme iznosi 6 m. Ukupni planirani volumen skladištenog materijala, tj. zapremina deponije iznosi oko $V=1\,300\,000 \text{ m}^3$. Deponovanje materijala se vrši u skladu sa projektnom dokumentacijom urađenom od strane "Rud Prom" d.o.o. Tuzla, broj:499-A/21 od 10.09.2021.godine. Federalno ministarstvo energije, rudarstva i industrije izdalo je Rješenje broj:06-14-1-594/23 od 03.07.2023. godine za Knjigu I i Knjigu II za postupanje po istom.

- Iz jalovista voda se, preko drenažne cijevi i okna sa tablastim zatvaračem, po potrebi upušta u lagunu za tehnološke otpadne vode, odakle se potopnim pumpama (1 radna+1 rezervna) prebacuje u vodospremu (rezervoar) za tehnološke vode i gravitacijski vraća natrag u tehnološki proces.
 - U cilju osiguranja prostora na kojem se nalazi rezervoar sa naftom izgrađena je tankvana kapaciteta rezervoara zapremine $V=9 \text{ m}^3$.
 - Monitoring površinskih voda vrši, po ugovoru „Zagrebinspekt“ d.o.o. Mostar, na 8 mjernih mjesta, a u cilju definisanja stanja voda i to: rijeka Bioštica – 3 mjerna mjesta (1 mjesto uzvodno od lokacije zamućenja, 1 mjesto na lokaciji Zeleni vir i mjesto 1.500 m ispod lokacije Zelenog vira); potok Bugojevac – 2 mjerna mjesta (1 mjesto na mjestu ponora i jedno mjesto uzvodno od mjesta ponora); kaptaža vodovoda Zeleni Vir – 1 mjesto; izvorište Zeleni Vir, 50m od vodovoda – 1 mjesto; rijeka Stupčanica – 1 mjesto.
 - Čišćenje separatora po ugovoru vrši „Delta petrol“ d.o.o. Kakanj.
 - Obezbjedenje neophodnih količina vode za piće za potrebe uposlenika riješeno je dovozom vode putem cisterni od strane Dobrovoljnog vatrogasnog društva „Olovo“.
 - Ugovor o preuzimanju rabljenog ulja, ambalaže i dr. potpisan je sa „Delta petrol“ d.o.o. Kakanj.
 - Odvoz komunalnog otpada po ugovoru vrši JKP „Bioštica“ d.o.o. Olovo.
 - Bitno je istaći da nije predviđeno ispuštanje voda u recipijent nakon njihovog tretmana na separatoru ulja, biološkim uređajima za prečišćavanje, evakuisanih jamskih voda, procjenih voda iz deponija, jalovišta, radno-manipulativnih površina, nego se ista prepumpava u lagunu tehnološke vode i koristi u postupku oplemenjivanja rude (sistem recirkulacije vode). Znači, sve vode će se adekvatno prikupljati, tretirati i upuštati u lagunu zapremine $V=2800 \text{ m}^3$.
 - U prethodnom periodu izvršen je tehnički prijem izgrađenih objekata i sadržaja i investitoru je izdata upotrebna dozvola od strane Federalno ministarstvo energije rudarstva i industrije, broj:06-14-1-623/23 od 15.08.2023. godine i broj 06-14-1-110/22 od 2.11.2022. godine.
 - U skladu sa Rješenjem o vodnoj dozvoli izrađen je Projekat izvedenog stanja hidrotehnička faza Rudnika Olovo, privrednog društva Geomet d.o.o. Olovo, Rudarski institut d.d. Tuzla, juli 2023. godine.
 - U toku su aktivnosti na daljnjem asfaltiranju prostora koji se nalazi između lagune i pogona separacije. Kompletan sistem radno-manipulativni će biti uvezan u jedinstvenu cjelinu.
- Federalno ministarstvo poljoprivrede, vodoprivrede i šumarstva je donijelo rješenje broj UP-II-11-21/2-3-1/24 od dana 08.02.2024. godine kojim je uvažilo žalbu Općinskog pravobranilaštva općine Olovo izjavljenu na rješenje Agencije za vodno područje rijeke Save. Rješenjem Federalnog ministarstva poljoprivrede, vodoprivrede i šumarstva poništeno je rješenje Agencije za vodno područje rijeke Save broj:UP-1/21-3-40-291-15/23 od 14.11.2023. godine, a predmet vraćen prvostepenom organu na ponovni postupak. Agencija se aktom broj: UP-1/21-3-40-291-23/23 od 09.04.2024. godine obratila pravnom licu „Geomet“ d.o.o. Olovo i zatražila pismeno očitovanje na činjenice i okolnosti navedene u rješenju izdatom od strane Federalnog ministarstva poljoprivrede, vodoprivrede i šumarstva.
- Aktom broj: 2504024-0376 od 24.04.2024. godine pravno lice „Geomet“ d.o.o. Olovo je dostavilo svoje Izjašnjenje na rješenje Federalnog ministarstva poljoprivrede, vodoprivrede i šumarstva (sa prilogima).
- Agencija je predmetno izjašnjenje proučila, sagledala sve činjenice i okolnosti te u nastavku daje slijedeća pojašnjenja, objašnjenja i opredjeljenja, a sve u skladu sa uzusima i standardima struke, važeće legislative:
- I. Ministarstvo u svom Rješenju, osvrćući se na tačku 1. Vodne dozvole (str. 3. Rješenja), navodi da je ovaj organ stava, s obzirom da je dispozitiv rješenja pravno obvezujući, da u predmetnoj tački Vodne dozvole treba eksplicitno navesti na koje rudarske aktivnosti se odnosi ista, te navesti da je primjena gravitacione metode predmet rješenja i da se Vodna dozvola ne odnosi na primjenu flotacijske metode. S tim u vezi, članom 108. Zakona o vodama FBiH ("Službene novine FBiH", br. 70/06) propisano da vodni akt (a što uključuje i vodnu dozvolu), između ostalog, treba da sadrži opis mjesta, vrstu, obim i namjene prava iz takvog akta, dok je članom 13. stav 1. Pravilnika o sadržaju, obliku, uslovima, načinu izdavanja i čuvanja vodnih akata FBiH ("Službene novine FBiH", br. 31/15, 55/19, 41/20 i 63/22) propisano da se vodnom dozvolom utvrđuje namjena, način i uslovi iskorištavanja vode, režim rada objekta i postrojenja, način i uslovi ispuštanja otpadnih voda, način i uslovi odlaganja krutog i tečnog otpada i drugi uslovi. Dakle, relevantnim zakonskim odredbama nije izričito predviđeno da se u vodnoj dozvoli mora tačno

oprediti na koje rudarske aktivnosti se ista odnosi (iako je u Vodnoj dozvoli navedeno da se ista odnosi na aktivnost Društva koja može, prilikom izvođenja radova na eksploataciji i preradi mineralne sirovine ceruzita, privremeno ili trajno degradirati kvalitet voda ili ometati poboljšanje njihovog postojećeg kvaliteta, čime su eksplicitno određene rudarske aktivnosti i istovremeno obuhvaćene sve rudarske aktivnosti Društva koje mogu imati naprijed navedenu posljedicu). Sama vodna dozvola odnosi na objekat separacije, a koji ujedno uključuje proces gravitacijske prerade rude. Naime, na stranici 5. tačka 3. Vodne dozvole jasno je navedeno da se u tehnološkom procesu obogaćivanja rude vodom ne koriste hemijske supstance koje bi mogle narušiti kvalitet površinski niti podzemnih voda, tj. koristi se isključivo gravitacijski postupak odvajanja rude ceruzita koja se temelji na različitoj specifičnoj težini. Na stranici 4. tačka 4. Vodne dozvole jasno naznačeno koji objekti su izgrađeni za rad rudnika, te je navedeno i postrojenje za oplemenjivanje rude – pogon separacije (pri čemu se koristi proces gravitacijske prerade rude, što je jasno vidljivo iz gore navedenog dijela Vodne dozvole). Dakle, iz svega naprijed navedenog (a i samog sadržaja Vodne dozvole) jasno proizilazi da je Vodna dozvola izdata u skladu sa primjenjivim propisima, te da ista ne sadrži nedostatke na koje se poziva Ministarstvo.

II. Ministarstvo dalje osporava tačku 1. Vodne dozvole navodeći da se zaključak Agencije broj UP-1/21-1-40-160-10/23 od dana 20.06.2023. godine odnosi na postupak po zahtjevu za izdavanje prethodne vodne saglasnosti za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta, odnosno na nove objekte (primjena flotacijske metode) i isti se ne može spojiti sa predmetnim zahtjevom za aktivnosti koje se odnose na postojeće izgrađene objekte (koji su predmet žalbenog postupka i odnose se na primjenu gravitacione metode). S tim u vezi, naglašavamo da je zahtjev za izdavanje gore navedene prethodne vodne saglasnosti (na koju se odnosi gore navedeni zaključak Agencije) povučen dana 22.12.2023. godine te je isti bespredmetan za ovaj postupak. I Ministarstvo u Rješenju jasno razlikuje i navodi da se žalbeni postupak vezano za Vodnu dozvolu odnosi na primjenu gravitacijske metode (str. 4. paragraf 7. i 8. Rješenja), a što ide u prilog tački I. iznad.

III. Ministarstvo dalje navodi da novi objekti prilikom pribavljanja dozvola iz oblasti voda prate faze iz oblasti građenja (urbanistička saglasnost, odobrenje za građenje, odobrenje za upotrebu). S tim u vezi, ističemo da se dodatni rudarski objekti (o kojima u ovom slučaju govori Ministarstvo) grade na osnovu dopunskih rudarskih projekata (DPR) ili pojednostavljenih rudarskih projekata (PRP), a kao dopune glavnom rudarskom projektu (GRP). Naime, shodno odredbama Zakona o rudarstvu FBiH ("Službene novine FBiH", br. 26/10) i njihovoj primjeni u praksi, urbanističke dozvole se ishoduju samo jednom prilikom izrade GRP, a svi ostali dodatni i dopunski objekti, metode iskopavanja, prerade rude i sl. se obrađuju i odobravaju u formi DRP i PRP. Naime, član 67. Zakona o rudarstvu propisuje da se dopunski rudarski projekt radi kao dopuna glavnom rudarskom projektu za izvođenje rudarskih radova, gradnju objekata i postrojenja u postojećim rudnicima, za rudarske radove na otvaranju i eksploataciji novih horizonata, revira, otkopnih polja ili dijela sloja i rudnih tijela, dijelova tečnih i gasovitih ležišta, izgradnju i rekonstrukciju rudarskih objekata direktno vezanih uz eksploataciju mineralnih sirovina, izgradnju skladišta eksplozivnih sredstava, otkopnu metodu i izmjenu otkopne metode, tehnologije i postrojenja i dodatna rješenja u okviru rudničke sigurnosti i kolektivne zaštite, djelimičnu ili potpunu eksploataciju zaštitnih stubova i tehničku rekultivaciju. Nadalje, član 68. Zakona o rudarstvu dalje propisuje da se pojednostavljeni rudarski projekt izrađuje za radove manjeg obima, jednostavnije i tipske objekte, postrojenja i uređaje shodno relevantnim odredbama Zakona, kao i za nebitna odstupanja od glavnog, odnosno dopunskog rudarskog projekta koji nema uticaja na osnovna projektna rješenja. Društvo dalje ističe da Zakon o rudarstvu ne poznaje formu građevinske dozvole, nego se shodno članu 37. Zakona o rudarstvu izdaje rješenje/dozvola za izvođenje radova prema rudarskom projektu, a što se vrši prema DRP ili PRP, nakon čega se izdaje upotrebna dozvola po izvršenom tehničkom pregledu od strane komisije za tehnički pregled. Imajući u vidu da se objekti za preradu rude, deponovanje rude i jalovine, jamski objekti iz kojih se vrši jamska eksploatacija, svi popratni objekti unutar eksploatacionog polja (osim upravne zgrade i objekta društvene ishrane), smatraju rudarskim objektima, isti se isključivo regulišu Zakonom o rudarstvu i nadzor nad izgradnjom i radom takvih objekata vrši Federalna rudarska inspekcija. Dakle, navodi u Rješenju koji se tiču ove tačke nisu tačni.

14. Tokom uvida koji je vršen od strane Agencije, zajedno sa predstavnicima Društva, bili prisutni i članovi Općine Olovo. Nakon sastanka koji je održan u prostorijama Društva i sastanka u prostorijama Općine Olovo, nije bilo nikakvih primjedbi od strane prisutnog predstavnika Općine Olovo. Uzimajući u obzir sve naprijed navedeno, Društvo odbija sve navode da su nadograđeni objekti flotacijske prerade rude, kao i jalovište za deponovanje jalovine, izgrađeni bez dozvola, s obzirom da isti ne predstavljaju nove objekte u smislu Zakona o rudarstvu, niti su odvojeni od objekta separacije, nego su isti nadograđeni i nalaze se u sklopu separacije. Društvo dodatno ističe da su naprijed navedeni objekti urađeni prema PRP za montažu i izgradnju flotacijske opreme i jalovišta i posjeduju upotrebnu dozvolu. U skladu s tim, u periodu od 13.04. do 19.04.2024. godine izvršen je inspekcijski pregled od strane Federalne rudarske inspekcije prilikom kojeg nije utvrđen bilo kakav nedostatak u pogledu izgradnje dodatnih objekata u skladu sa projektnom dokumentacijom, što je i utvrđeno u Zapisniku o inspekcijskom nadzoru broj: UP1-16-14-2-02426/2024-1602-2-P od 19.04.2024.godine.
- V. Ministarstvo u svom Rješenju, osvrćući se na tačku 2. Vodne dozvole (str. 4. Rješenja), navodi da je u Vodnoj dozvoli potrebno navesti lokacijske uslove objekata i postrojenja – katastarske čestice i katastarsku općinu, te koordinate eksploatacionog polja i usklađenost planiranih aktivnosti sa prostorno-planskom dokumentacijom, pri tome pozivajući se na član 3. stav 2. Pravilnika. Citirani član Pravilnika odnosi na prethodnu vodnu saglasnost, a u konkretnom slučaju se radi o vodnoj dozvoli koja je regulisana članom 12. Pravilnika. Naime, citirani član 3. stav 2. Pravilnika propisuje da studija iz stava 1. ovog člana obavezno sadrži i preglednu situaciju terena u odgovarajućoj razmjeri sa ucrtanom lokacijom, urbanističko tehnički uslovi/lokacijski uslovi/uslovi prostora ili informaciju o usklađenosti planirane aktivnosti sa prostorno-planskom dokumentacijom i odobrenje operatora vodovodnog, odnosno kanalizacionog sistema za priključak na isti, ako se snabdijevanje vodom vrši sa javnog vodovodnog sistema, odnosno ako se otpadne vode ispuštaju u javni kanalizacioni sistem. Ovim članom je propisano šta treba da sadrži studija koja se dostavlja uz zahtjev za izdavanje prethodne vodne saglasnosti (ista nije predmet ovog postupka). Ni članom 12. Pravilnika nije propisano da vodna dozvola mora sadržavati katastarske čestice, katastarsku općinu niti koordinate eksploatacionog polja, niti je to propisano relevantnim odredbama Zakona i Pravilnika koje su navedene u tački 1. ovog izjašnjenja. Svi zemljišnoknjižni izvatci sa brojevima katastarskih čestica i nazivom katastarske općine, kao i koordinate eksploatacionog polja, su dostavljeni Agenciji u procesu ishodovanja Vodne dozvole, te da se iste nisu mijenjale s obzirom da Vodna dozvola predstavlja obnovljenu dozvolu koja se odnosi na iste objekte za koje je već prethodno izdata vodna dozvola.
- VI. Ministarstvo u svom Rješenju, osvrćući se na podtačku 3.2. Vodne dozvole (str.4. Rješenja) navodi da je potrebno revidirati Vodnu dozvolu i u dispozitivu iste navesti obavezu Društva za izradom operativnog plana za incidentna zagađenja. Pravno lice posjeduje Operativni plan za incidentna zagađenja broj 01-2-32-VI/20 od mjeseca juna 2020. godine kojim su utvrđeni postupci i mjere koje se poduzimaju u slučajevima incidenata na vodama i obalnom vodnom zemljištu, a s ciljem provođenja zaštite voda u slučajevima incidentnog zagađenja. Operativni plan za incidentna zagađenja je dostavljen Agenciji i isti je naveden u rješenju o vodnoj dozvoli pod tačkom B-Tehnička dokumentacija pod 1., a isti je dat na uvid Federalnoj vodnoj inspekciji prilikom nadzora provedenog 08. februara 2023. godine, što je potvrđeno Zapisnikom o inspekcijskom nadzoru broj UP1-14-21-2-00026/2023-1407-P-1407-1-P, čime je Društvo postupilo u skladu sa članom 11. Pravilnika o postupcima i mjerama u slučajevima akcidenata na vodama i obalnom vodnom zemljištu FBiH ("Službene novine FBiH", br. 71/09 i 102/18).
- Kada su u pitanju navodi Ministarstva vezano za zahvatanje vode (str. 4. paragraf 6. Rješenja), utvrđeno je da podnosilac posjeduje odgovarajuću vodnu dozvolu Rješenje o vodnoj dozvoli broj: 05-25-07236-2/18 od dana 10.10.2018. godine, izdatu od strane Ministarstva za poljoprivredu, šumarstvo i vodoprivredu Zeničko-dobojskog kantona, kojom je Društvu dozvoljeno vršenje zahvata vode, a koja je trenutno u postupku obnove, u skladu sa podnesenim Zahtjevom za izdavanje vodne dozvole broj:1010023-0762 od 10.10.2023. godine. S tim u vezi, Kantonalna uprava za inspekcijske poslove je izvršila inspekcijski nadzor dana 13.03.2024. godine pri čemu je jasno utvrdila da Društvo koristi vodu i vrši aktivnosti i zahvat vode u skladu sa odredbama odgovarajućeg vodnog akta i odredbama Zakona o vodama Zeničko-dobojskog kantona.

proces prerade rude gravitacijskom separacijom predviđa zatvoreni sistem recirkulacije vode, kao što je predviđeno tehničkom dokumentacijom i za budući sistem prerade jalovine flotacijskom metodom, što znači da ne postoji bilo kakvo ispuštanje tehnološke vode u slobodan tok površinskih voda. Dodatno naglašavamo da je Agencija u Vodnoj dozvoli jasno navela da nije predviđeno ispuštanje voda u recipijent nakon tretmana na separatoru ulja i biološkim uređajima za prečišćavanje evakuisanih jamskih voda, procjednih voda iz deponija, jalovišta, radno-manipulativnih površina, nego se ista prepumpava u lagunu tehnološke vode i koristi u postupku oplemenjivanja rude (sistem recirkulacije vode), pri čemu je zaključeno da će se sve vode adekvatno prikupljati, tretirati i upuštati u lagunu zapremine $V=2.800\text{m}^3$ (str. 5. tačka 13. Vodne dozvole). Naprijed navedeno je utvrđeno prilikom obilaska terena i navedeno u zapisniku Agencije broj UP-1/21-3-40-291-13/23 od dana 09.11.2023. godine.

VII. Ministarstvo u svom Rješenju, osvrćući se na podtačku 3.3. Vodne dozvole (str. 4. Rješenja) zaključuje da je potrebno da Agencija u ponovnom postupku predmetnu tačku precizira u smislu da navede lokacije mjernih mjesta sa koordinatama istih, broj mjerenja odnosno monitoring plan, te da se precizira koje su to mjere koje operater treba preduzeti.

U vodnoj dozvoli je jasno navedeno da monitoring površinskih voda vrši, na osnovu ugovora, društvo „ZAGREBINSPEKT“ d.o.o. Mostar, i to na 7 mjernih mjesta koja su navedena u samoj Vodnoj dozvoli (str. 5. tačka 8. Vodne dozvole). Podnosilac zahtjeva vrši redovan monitoring, pri čemu se analize vode rade jednom mjesečno na svakom mjernom mjestu. Obzirom da se u radu rudnika koristi proces recirkulacije tehnoloških voda pri čemu ne dolazi do bilo kakvog ispuštanja kontaminiranih voda, Agencija nije zahtijevala određivanje dodatnih mjernih mjesta ili lokacija s obzirom da trenutni broj mjernih mjesta i učestalost analiza vode koje provodi Društvo zadovoljava zakonom predviđene mjere u ovom pogledu. Podnosilac zahtjeva je dostavio podatke o mjernim mjestima (iako su isti već ranije dostavljeni), i to:

- Rijeka Bioštica – 3 mjerna mjesta (1 mjerno uzvodno od lokacije zamućenja, 1 mjerno mjesto na lokaciji Zeleni vir i mjerno mjesto 1.500m ispod lokacije Zelenog vira);
- Potok Bugojevac – 2 mjerna mjesta (1 mjerno na mjestu ponora i jedno mjerno mjesto uzvodno od mjesta ponora);
- Kaptaza vodovoda Zeleni Vir – 1 mjerno mjesto;
- Izvorište Zeleni Vir, 50m od vodovoda – 1 mjerno mjesto;
- Rijeka Stupčanica – 1 mjerno mjesto.

Ministarstvo dalje u svom Rješenju navodi na društvo „ZAGREBINSPEKT“ d.o.o. Mostar nema ovlaštenje Federalnog ministarstva poljoprivrede, vodoprivrede i šumarstva za ispitivanje površinskih voda.

Federalno ministarstvo poljoprivrede, vodoprivrede i šumarstva dana 05.04.2024. godine izdalo rješenje broj: UP-I-07-21/2-4992/23 kojim se ovlašćuje laboratorija pravnog lica „ZAGREBINSPEKT“ d.o.o. Mostar za vršenje poslova fizičko-hemijskih i ekotoksikoloških ispitivanja površinskih, podzemnih voda i obalne morske vode.

VIII. Ministarstvo u svom Rješenju, osvrćući se na podtačku 3.11. Vodne dozvole (str. 5. Rješenja), navodi da je navedenu podtačku Vodne dozvole potrebno korigovati na način da se ista uskladi sa članom 26. i 26a. Uredbe o uslovima ispuštanja otpadnih voda u okoliš i sisteme javne kanalizacije, a koje odredbe su citirane u samom Rješenju (str. 5. paragraf 2. Rješenja). Ministarstvo također uvažava zahtjeve Općine Olovo da se odredi rok završetka radova projekta izvedenog stanja hidrofaze iz razloga što se u zapisniku Agencije o uviđaju na terenu UP-1/21-3-40-291-13/23 od dana 09.11.2023. godine navodi da je rješenje o vodnoj dozvoli broj UP-I/25-40-099-5/21 od dana 12.05.2021. godine izdato pod uslovom da se na terenu realizuju sve aktivnosti u skladu sa dostavljenim dinamičkim planom izvođenja radova sa preciznim rokovima njihovog završetka, a krajnji rok za realizaciju bio je juli 2023. godine. Aktivnosti po projektu izvedenog stanja hidrofaze su završene što je konstatovano i zapisniku Agencije (str. 3. tačka 3. zapisnika). U samom zapisniku Agencije je dat nalog Društvu da asfaltira jedan dio površine između objekta separacije i lagune, kako bi se stvorila jedinstveno asfaltirana cjelina, te je naznačeno da se navedeni radovi okončaju u roku od 8 mjeseci od dana obilaska terena od strane Agencije, odnosno od dana zapisnika. Imajući u vidu navedeno, Agencija u samoj podtački 3.11. Vodne dozvole odredila obavezu Društvu da izradi projekat izvedenog stanja hidrofaze nakon okončanja aktivnosti na asfaltiranju, odnosno ažurira projekat izvedenog stanja hidrofaze i isti blagovremeno dostaviti Agenciji.

na osnovu dostavljene dokumentacije i ponovo utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Postupajući u skladu sa odredbama člana 239. stav (2) Zakona o upravnom postupku, ovaj organ je ponovio postupak, sagledao sve činjenice i okolnosti te donio ovo rješenje o vodnoj dozvoli.

Na osnovu ponovo provedenog postupka konstatuje se da je podnosilac zahtjeva „Geomet” d.o.o. Olovo ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radovima na eksploataciji i preradi mineralne sirovine ceruzita Rudnika „Olovo” u Olovu, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70,00 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-291-14/23 od 10.11.2023. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.


Po ovlaštenju
Rukovodilac sektora za izdavanje vodnih akata
Haris Ališehović, dipl. inž. građ.

Dostaviti:

- Geomet d.o.o. Olovo
Huseina kapetana Gradaševića bb, 71340 Olovo,
- Općinsko pravobranilaštvo Olovo
Branilaca bb, 71340 Olovo,
- AVP Sava, ISV – Vodna knjiga,
- Sektor 50,
- ⊙ Sektor 40, arhiva,
- Oglasna ploča-AVP Sava